



შემოსავლების
სამსახური



აპრძალული და ნებადართული მედიკამენტები

(ნარკოტიკული საშუალებები და ფსიქოტროპული
ნივთიერებები / სამკურნალო საშუალებები /
სპეციალურ კონტროლს დაქვემდებარებული
სამკურნალო საშუალებები)

ურთიერთობა მარტივია

- ▶ ნარკოტიკული საშუალებები და ფსიქოტროპული ნივთიერებები
- ▶ სპეციალურ კონტროლს დაქვემდებარებული, ფარმაცევტულ პროდუქტთან გათანაბრებული, სამკურნალო საშუალებები
- ▶ სამკურნალო საშუალებები

როგელი მედიკამენტების შემოტანა იკრძალება საქართველოში სათანადო დოკუმენტაციის გარეშე?

აკრძალულია!

საქართველოს ტერიტორიაზე, სათანადო სამედიცინო დოკუმენტაციის გარეშე, ნარკოტიკული, ფსიქოტროპული და მათი შემცველი კომბინირებული პრეპარატების შემოტანა!

- ▶ აცეტილდიჰიდროკოდეინი, დიჰიდროკოდეინი, კოდეინი, ნიკოდიკოლინი, ნიკოკოლინი, ნორკოდეინი, ფოლკოლინი, ეთილმორფინი და მათი შემცველი ყველა კომბინირებული პრეპარატი;
- ▶ ეფედრინი, ნორეფედრინი, ფსევდოეფედრინი და მათი შემცველი კომბინირებული საშუალებები;
- ▶ ბუპრენორფინი და მისი შემცველი ყველა კომბინირებული პრეპარატი.
 - ▶ მეთადონი METHADONE
 - ▶ მეთილფენიდატი METHYLPHENIDATE
 - ▶ მეტამფეტამინი METAMFETAMINE
 - ▶ პრეგაბალინი PREGABALIN
 - ▶ თიანეპტინი TIANEPTINE
 - ▶ ტრამადოლი TRAMADOL
 - ▶ ფენტანილი FENTANYL
 - ▶ ტილიდინი TILIDINE
 - ▶ ალპრაზოლამი ALPRAZOLAM
 - ▶ ფლუნიტრაზეზამი FLUNITRAZE

და საქართველოს კანონმდებლობით განსაზღვრული სხვა ნარკოტიკული საშუალებები და ფსიქოტროპული ნივთიერებები.

▶ სრული ჩამონათვალისთვის იხილეთ:

1. საქართველოს კანონი ნარკოტიკული საშუალებების, ფსიქოტროპული ნივთიერებების, პრეკურსორებისა და ნარკოლოგიური დახმარების შესახებ;
2. საქართველოს შრომის, ჯანმრთელობისა და სოციალური დაცვის მინისტრის 2004 წლის 22 იანვრის N22/ნ ბრძანება, სპეციალურ კონტროლს დაქვემდებარებულ ფარმაცევტულ პროდუქტთან გათანაბრებული სამკურნალო საშუალებების ნუსხისა და მათი ლეგალური ბრუნვის წესების დამტკიცების შესახებ;
3. საქართველოს კანონი ახალი ფსიქოაქტიური ნივთიერებების შესახებ.

გაითვალისწინეთ!

საქართველოში სპეციალურ კონტროლს დაქვემდებარებული ნივთიერებების - ნარკოტიკული, ფსიქოტროპული და მათი შემცველი კომბინირებული პრეპარატების - უკანონოდ შემოტანა/გატანა წარმოადგენს სისხლის სამართლის კოდექსის ქვემდებარე დანაშაულს და ისჯება კანონით!

აპრძალულია!

სათანადო სამედიცინო დოკუმენტაციის გარეშე სპეციალურ კონტროლს დაქვემდებარებული ფარმაცევტულ პროდუქტთან გათანაბრებული სამკურნალო საშუალებების საქართველოში შემოტანა/საქართველოდან გატანა.

რა დოკუმენტაცია არის საჭირო ფიზიკური პირის მიერ, ინდივიდუალური საჭიროების მიზნით, სპეციალურ კონტროლს დაქვემდებარებული მადიკამენტების საძარტველს სავაშო ტარიტორიაზე შემოსატანად?

- ▶ ფიზიკური პირის ინდივიდუალური საჭიროების მიზნით, ნებადართულია ნარკოტიკული საშუალებების ან/და ფსიქოტროპული ნივთიერებების 31 დღის მარაგის შემოტანა მხოლოდ შემდეგი დოკუმენტაციის საფუძველზე:
 - ▶ ინგლისურ ენაზე თარგმნილი, უფლებამოსილი ორგანოს მიერ იმ ქვეყნის კანონმდებლობით გათვალისწინებული წესით დამოწმებული, რეცეპტის ქსეროასლი, საიდანაც მოემგზავრება ფიზიკური პირი;
 - ▶ ინგლისურ ენაზე თარგმნილი, შესაბამისი ორგანოს მიერ იმ ქვეყნის კანონმდებლობით გათვალისწინებული წესით დამოწმებული, რეცეპტის გამომწერი ექიმის სერტიფიკატი, საიდანაც მოემგზავრება ფიზიკური პირი;
 - ▶ რეცეპტისა და სერტიფიკატის ნამდვილობის დამადასტურებელი, უფლებამოსილი პირის მიერ ხელმოწერითა და ბეჭდით დამოწმებული დოკუმენტი, რომელსაც გასცემს შესაბამისად იმ უფლებამოსილი ქვეყნის ორგანო, საიდანაც მოემგზავრება ფიზიკური პირი.
- ▶ იმ შემთხვევაში, თუ უცხო ქვეყნის მოქალაქე – ფიზიკური პირი ვერ ტოვებს საქართველოს ტერიტორიას და ამავე დროს, ამოენურა მკურნალობისათვის საჭირო ნარკოტიკული საშუალებების ან/და ფსიქოტროპული ნივთიერებების მარაგი, მაშინ მისი უზრუნველყოფა შესაბამისი სამკურნალო საშუალებებით ხდება ტერიტორიული პრინციპით, დროებითი საცხოვრებელი ადგილის მიხედვით, რისთვისაც ავადმყოფი მიმართავს შესაბამის სამედიცინო დაწესებულებას, წარუდგენს საბაჟო ორგანოს მიერ დამოწმებულ დოკუმენტს, რაც, თავის მხრივ, ამ დაწესებულებისათვის წარმოადგენს ფიზიკური პირის აღრიცხვაზე აყვანისა და მისთვის ნარკოტიკული საშუალების ან/და ფსიქოტროპული ნივთიერების დანიშვნის საფუძველს. ნარკოტიკული საშუალების ან/და ფსიქოტროპული ნივთიერების გამოწერა ხორციელდება საქართველოს კანონმდებლობით დადგენილი წესით.
- ▶ ფიზიკურ პირს ეკრძალება ნარკოტიკული საშუალებების ან/და ფსიქოტროპული ნივთიერებების სხვა პირისათვის გადაცემა.

- ▶ ფიზიკური პირის ინდივიდუალური საჭიროების მიზნით, სპეციალურ კონტროლს დაქვემდებარებული, ფარმაცევტულ პროდუქტთან გათანაბრებული, სამკურნალო საშუალებების საქართველოში შემოტანა/საქართველოდან გატანა დასაშვებია მხოლოდ შესაბამისი სამედიცინო დოკუმენტაციის საფუძველზე:
 - ▶ სამკურნალო საშუალების დღიური დოზის გადაანგარიშებით, ფიზიკური პირის სხვა ქვეყანაში ვიზიტის (მივლინება, მკურნალობა, ტურიზმი, პირადი მიწვევა და სხვა) დღეების რაოდენობაზე;
 - ▶ საქართველოს მოქალაქე ფიზიკური პირის შემთხვევაში სამკურნალო საშუალების დღიური დოზის გადაანგარიშებით მკურნალობის კურსზე.
- ▶ თუ ფიზიკური პირს სხვა ქვეყანაში ვიზიტის (მივლინება, მკურნალობა, ტურიზმი, პირადი მიწვევა და სხვა) პერიოდში ესაჭიროება 10 სტანდარტულ შეფუთვაზე მეტი ოდენობით სამკურნალო საშუალება (გარდა სპეციალურ კონტროლს დაქვემდებარებული და მასთან გათანაბრებული ფარმაცევტული პროდუქტისა), მისი საჭირო რაოდენობით ქვეყანაში შემოტანა/ქვეყნიდან გატანა ხორციელდება შესაბამისი სამედიცინო დოკუმენტაციის საფუძველზე, სამკურნალო საშუალების დღიური დოზის გადაანგარიშებით, სხვა ქვეყანაში ვიზიტის დღეების რაოდენობაზე.
- ▶ თუ საქართველოს მოქალაქე ფიზიკურ პირს ესაჭიროება 10 სტანდარტულ შეფუთვაზე მეტი ოდენობით სამკურნალო საშუალება (გარდა სპეციალურ კონტროლს დაქვემდებარებული და მასთან გათანაბრებული ფარმაცევტული პროდუქტისა), მისი საჭირო რაოდენობით ქვეყანაში შემოტანა ხორციელდება შესაბამისი სამედიცინო დოკუმენტაციის საფუძველზე, სამკურნალო საშუალების დღიური დოზის გადაანგარიშებით მკურნალობის კურსზე.
- ▶ ნებადართულია სამედიცინო დოკუმენტაციის გარეშე, ფიზიკური პირის ინდივიდუალური საჭიროებისათვის არა უმეტეს ათი სტანდარტული შეფუთვის სამკურნალო საშუალებების (გარდა სპეციალურ კონტროლს დაქვემდებარებული და მასთან გათანაბრებული ფარმაცევტული პროდუქტისა), მათ შორის, დაურეგისტრირებელი მედიკამენტების, საქართველოს ტერიტორიაზე შემოტანა ან საქართველოს ტერიტორიიდან გატანა.

